



Deddf Seilwaith (Cymru) 2024

2024 dsc 3

RHAN 6

GORCHMYNION CYDSYNIAD SEILWAITH

Darpariaeth mewn gorchmynion sy'n awdurdodi caffael yn orfodol

69 Tir yr Ymddiriedolaeth Genedlaethol

- Mae'r adran hon yn gymwys i dir y mae'r Ymddiriedolaeth Genedlaethol yn berchen arno a ddelir gan yr Ymddiriedolaeth yn anhrosglwyddadwy.
- Mae gorchmyn cydsyniad seilwaith yn ddarostyngedig i weithdrefn arbennig y Senedd, i'r graddau y bo'r gorchmyn yn awdurdodi caffael yn orfodol dir y mae'r adran hon yn gymwys iddo, os bodlonir yr amod yn is-adran (3).
- Yr amod yw—
 - bod yr Ymddiriedolaeth Genedlaethol wedi gwneud sylw ynghylch y cais am y gorchmyn cydsyniad seilwaith cyn i'r archwiliad o'r cais gael ei gwblhau,
 - bod y sylw yn cynnwys gwrthwynebiad i gaffael y tir yn orfodol, ac
 - nad yw'r gwrthwynebiad wedi ei dynnu yn ôl.
- Mewn achos y mae'r adran hon yn gymwys iddo ac y mae adran 70 neu 71 hefyd yn gymwys iddo, caiff gweithdrefn arbennig y Senedd—
 - bod yn ofynnol gan is-adran (2) pa un a yw hefyd yn ofynnol gan adran 70(3) neu 71(2) ai peidio, a
 - bod yn ofynnol gan adran 70(3) neu 71(2) pa un a yw hefyd yn ofynnol gan is-adran (2) ai peidio.
- Yn yr adran hon, ystyr "a ddelir yn anhrosglwyddadwy", mewn perthynas â thir y mae'r Ymddiriedolaeth Genedlaethol yn berchen arno, yw bod y tir yn anhrosglwyddadwy o dan adran 21 o [Ddeddf yr Ymddiriedolaeth Genedlaethol 1907 \(p. cxxxvi\)](#) neu adran 8 o [Ddeddf yr Ymddiriedolaeth Genedlaethol 1939 \(p. lxxxvi\)](#).